

& Limburgi, uxorem duxit Elizabetham Ducissam Lutzenburgi, ex qua filios suscepit Joannem, maritum Iacobae Comitissae Hollandiae, & Philippum, ambos Brabantiae Duces: Antonius cum fratre natu minimo Philippo Valesio perit in bello Gallico ad Teroanam anno ciro ccccxv. Filii Antonii sine liberis postea extincti, patrum Joannem Valesium heredem reliquerunt. Ioannes igitur Valesius qui Intrepidus dictus est, quum esset e fratribus natu maximus, anno cira cccciv patri successit, auctusque Fratrum Nepotumque obitu multis & amplis ditionibus, misere & praeter fas trucidatus est anno ciro ccccxxa a Carolo Delphino propter Ducem Aurelianensem, cum quo capitales inimicitias & quidem apertas quamdiu vixit, susceperat. Liberos reliquit Philippum, Margaretam, Isabellam & Catharinam. Philippus cognomento Bonus vel Pius, xxi i etatis anno, Patri suo successit in Ducatu Burgundiae, Comitatu Flandriae, Burgundiae, Artesiae, Marchionatu Imperii, Salinarum & Mechliniae: Hic Atrebatum cum Carolo vii & cum Duce Aurelianensi pacem contraxit, eumque e carcere in quo annos jam xxv ab Anglis detentus fuerat, liberavit, soluto insuper pretio redemptionis, & sorore Maria ipsi in uxorem data. Hic obitu Theodorici Comitissae Namurcensis factus est ejus Comitatus haeres: obitu Philippi, auctus est Ducatibus Brabantiae, Lotaringiae & Limburgi: obitu Iacobae, Comitibus Hannoniae, Hollandiae, Zelandiae & Frisiae. Ducatus quoque Lutzenburgicus ei accessit ab Elizabetha, Antonii Patris sui Vidua. Ita factum est, ut unius Philippi Boni imperio subiectae fuerint amplissima & opulentissima Provinciae Burgundiae utriusque, Brabantiae, Limburgi, Lutzenburgi, Flandriae, Artesiae, Hannoniae, Hollandiae, Zelandiae, Namurci, Frisiae, Mechliniae & Marchionatus Imperii. Vxorem is habuit Isabellam Portugalliae Regis filiam, vixit annos lxxi i, obiit anno ciro cccclxvi i uno Filio tot Provinciarum herede relicto Carolo Audace, qui non tantum patrum Imperium servavit, verumetiam auxit, adjuncta Geldria, Zutphania & Ducatu Iuliacensi. Atque hic est Carolus ille Caroli v Abavus nati anno m d ex Ioanna Ferdinandi Regis Aragonum filia, philippi Austriaci uxore: qui Philippus filius fuit Maximiliani Austriaci, ex Matre Maria Filia Caroli Audacis. Sub his Provinciis, quae antea plures Dominos habuerant, conjunctae, in unum quasi corpus coaluerunt, atque hodie communi Belgicae vel Inferioris Germaniae nomine censentur. Bello autem jam olim nobiles Belgae. Caesar i Commentar, de bello Gallico libro, omnium Gallorum eos vocat fortissimos. Sic enim scribit: Gallorum omnium fortissimi sunt Belgae: propterea quod a cultu atque humanitate Provinciae longissime absunt, minimeque ad eos sepe Mercatores commeant, atque ea quae ad effeminandos animos pertinent important: proximique sunt Germanis qui trans Rhenum incolunt, quibus cum continenter bellum gerunt. Qua de causa Helvetii quoque reliquos Gallos virtute praecedunt, quod fere quotidianis praeliis cum Germanis contendunt, cum aut suis finibus eos prohibent, aut ipsi in eorum finibus bellum gerunt. Horum quantum robur quantumque libertatis defendendae studium fuerit, ex eo cognosci potest, quod Romanorum Imperium summa vi avertere etiam C. Caes. tempore annixi sint. Itaque contra ipsius copias distributim conscripserunt, Bellovacum lx m armatorum; Suefiones l m. Nervii (quorum adeo fuit indomita feritas, ut nunquam in id temporis Mercatores passi sint ad se Vina aut res alias venales deferre) etiam l m. Atrebatum & Ambiani x m. Morini xxv m. Menapii i x m. Caleti x m. Velocasses & Veromandui aequae x m. Aduaticum x i i x millia. Condrusi, Eburones, Camani xl millia. Vt summa fuerit